




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2338/A/2






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2338/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2338/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2338/A/2

(2)
2338/A/2

382-111-0

ff. 110.
~~ff. 109.~~ 110

Canon 2^e Jean Lyg^e E
XXVI.
~~D. XIII~~ 47

ORATIONES

DE Æ, QUARVM

PRIOR EST DE NATVRA FEBRIS PETICVLARIS EIVSQVE CVRATIONE: posterior de studijs Chymicis coniungendis cum Hippocraticis; habitæ in Auditorio Medicorum Colonienfi

AB


HERMANNO FOLLINO
PHIL. ET MED. DOCTOR
re & Professore.

Invidia Comes virtutis.



COLONIÆ AGRIPPINÆ,
Apud Gerhardum Greuenbruch.
ANNO M.DC.XXII.





NOBILISS. AMPLISS. ET
Prudentissimis Viris & Do-
minis

D. IOANNI A BOLANT,

nec non

D. MELCHIORI GAYL,
Sacrae, inclytæ, & liberæ, Imperialis
ciuitatis Colonienfis.

CONSULIBVS
Dignissimis, Dominis, meis Gratos &
Benignis;

Cum ALGEBRA

Hasce duas ORATIONES
Monumentum.

Quod debui Aureum, vel Marmoreum
Sed

Quod valui pro tempore, quodq; habui
pro facultate

Litterarium & chartaceum,

Mole paruum, vtilitate magnum,

Nec manu CAPIENTIS librarium

Sed animo TRIBVENTIS ponderandū,

In

Debiti honoris Τεχμήριον.

Constantis obseruantiaε σύμβολον.

Grati animi Διδακτήριον,


consecrat, dedicatq;

HERMANNVS FOLLINVS.

Anno CIO. IOC. XXII.

A 2

BENI.



4
BENIGNE LE-
tor,

An secundum hic verbis
opus est? non puto. Quæ
dicere volui, in alio Prælo-
quio dixi: Tu tantum no-
stris laboribus frueri, vel si
displiceant, sodes ignosce,
si loquar

*Mors favere docet prodesse valentibus, Ergo
Corpora tu noli miseri, vel æda tua.*

MAGNI-



MAGNIFICE DOMINE
RECTOR,

NOBILISSIMI, ET AM-
PLISS. DOMINI CONSVLES, EX-
cellentissimi, Expertissimi, Reuerendi, E-
ximij, Consultissimi viri Doctores,
Prudentissimi Senatores, Au-
ditores deniq; Specta-
tissimi.



QUANTQVAM non me-
diocriter me perturbet in-
solita perorandi consuetu-
do, Nobilissimorum & gra-
uissimorum auditorū, qui
huc frequentes ad hanc so-
lennitatem decorandam
conuenerunt, conspectus longè amplissimus, lociq;
maiestas in quo pedem fixi, ex quo nunc fugere
turpe esset, vel oscitanter dicere ignominiosum,
tamen si cogitem quod de morbo dicturus sim,
quo ferè nihil ferocius, nihil monitrosius esse pos-
sit, quodq; vestra humanitas, vestraq; beneuolen-
tia erga me tanta sit, vt hodie non velut iudices
mea declamationu, sed amici, imò veluti promo-
tores huius quem consequar honoris, accesseritis,

A 3 non

non possum non denuo, omisso metu latari, & mihi de tanta felicitate gratulari, viresq; ad dicendum resumere. Etenim quis porcum Ephippio, vel Simiam purpura ornabit, vel matronam honestam meretricio cultu vestiet? Non singula singulu rebus conveniunt. Habet unumquodque suum quo vult pingi colorem: habent res suam orationem, qua describi postulant. Alijs vocibus Philosophus, alijs Theologus, alijs Medicus vititur, quibus suas scientias explicant. Si igitur in exprimenda idea monstruosissimi morbi, quem Ungaricum à familiaritate regni, indigetent, non penicillo oratorio, pigmentuq; Rhetorices utar sed Medico, quod rem nuda sensibus obijcit, haud vestrum quenuquam futurum puto, qui propterea nos velit, vel possit merita reprehendere. Quid enim peccati committitur, si monstruosa febris, pro genio eiusdem monstruosa oratione delinquitur? De vestra omnium ergo me humanitate, affectu & benevolentia dubitare qui possem, quarum fructus carpo hoc ipso tempore dulcissimos quo hac ipsa verba profero? Non itaque terribit me nomen Febris Pestilentis, ad quod plerique mortales toto animo & corpore solent perhorrescere, non ipse morbus saevissimus humani generis hostis, non vestri generis nobilitas, auctoritas, experientia, quo minus differam de immani hac bellua, qua robustos & imbelles iuxta cruciat & trucidat. Alias de peste, que instar Basilisci est, duos li-
bros

broſ ſcripſi : nunc de febre peticulari breuiter dicam, qua ferocia, immanitate & horrore ad eandem proximè accedit, atque hoc ita faciam populari ſermone, ut omnes Auditores, licet Medici non ſint, tamen quid ſit febris peſtilens, & quomodo proſtigetur, aperte & plane poſſint intelligere, modo ad breuere temporis interuallum me ſua fauoris aura dignentur.

Ut pictores ingenioſiſſimi artiſices, quando hominis, vel alterius cuiuſdam animalis imaginem ad vitium cupiunt exprimere, prius rude quoddam opus delineant eleganti naturæ imitatione, qua ſemper ab imperfectis ad perfectæ ſolet progredi, & poſterius vario colore variisque penicillis eandem perpoliunt, ſic nos in Idea febris peſtilentis exprimenda, prius ruditer eandem adumbrabimus, & tandem penicillo accuratioſe perficiemus. Febris itaque peſtilens meo iudicio nihil aliud videtur eſſe, quàm, ut cum Poëta loquar, monſtrum horrendum, ingens, informe, quodd nec Pyraſtam, Rhinocerotem, Vulturem, Leonem, Vulpem, Hircum, Cantharides, Cuculum, Lupum, Scorpionem, teſtudinem poſſe dicere, ſed ex omnibus hiis beſtijs ſeruiq; compoſitum. Nunc non ampliùs loquatur de ſuâ monſtræ Aſer: ſileat de ſua beſtia ſeptem capitum Theologus: taceat fabuloſus Poëta de ſuo tricipiti Cerbero: Nos Medici paulò

In Apoc.
Ioan. c. 13.

maiora canimus, monstrum demus non fabulo-
 sum, sed verum, non commentitium, sed natura-
 le. Si quis ex arbore pyra discarnat, pyrum eam
 esse negare non potest, si grossos colligat, ficum
 esse admitet, quomodo tam cæci esse possumus,
 ut ex insidiis non vulpem, ex robore non Leo-
 nem, ex tardo huius morbi motu testudinem
 non agnoscamus? Merito Auditores, morbi fero-
 cissimi genium cum belluis truculentis compa-
 randū esse docimus. Quis Deum creatorem, quis
 Angelos incorporeos, quis accidentia spirituum tra-
 capit cognoscit, & intelligit, nisi per collationem
 creaturae & corporum, à quibus species oriuntur,
 quarum beneficio intelligimus? Ut enim visus
 licet fuerit acutissimus, nequeat cornu id
 quod coloratum, lucidumq. existit; Sic intelle-
 ctus noster non capit nisi corporum, vel quod sub
 ratione corporis representatur. Nunc vero cum
 virus istud, quo pestilens febris furit, non ex ele-
 mentorum qualitatibus primis vel secundis, non
 ex temperamentorum harmonia profuscat, sed
 ex mixtorum formis ducat originem, calc-
 stensq. naturam referat, quis non optime factum
 iudicat, quod vires morbi pestilencissimi, cum
 truculentis bestiis comparauerimus? Geome-
 tra non peccat, si docendi gratia, pro linea biped-
 ali eiusdem portionem suppesuerit; Mathe-
 maticus extra reprehensionem est, si superficiem à
 corpore consideratione sua abstraxerit, licet talis
 nequeat existere: Physici hodie ingenio tam sub-
 cili & perspicaci sunt, ut ficticis potentia vivi-
 bus,

bus, Deum extra mundi complexum praesentem
 esse concipiant. ubi tamen nihil rei esse fatentur,
 quare mihi Medico minorem fingendi, coniun-
 gendi, diuidendiq; animo potestatem concedetur,
 quantum ita res sese integrè non habeant, ut pla-
 num & euentius demonstrari naturam istius
 fera, quæ totum orbem terrarum populatur?
 Non enim in Hungaria solum regnat, licet mor-
 bus Hungaricus vocetur, sed per Galliam passim,
 Hispaniam, Germaniam, totamq; Europam, &
 nostram quoq; Coloniam scissimè debacchatur.
 Nidum suū habet hoc monstrum in Hungaria,
 quam ita amat, ut nullo tempore ab eius ample-
 xibus possit auelli; nomenq; hinc habere caperit.
 Sic Phthisis Lusitaniam, Bronchocele Sabaudiam
 diuexat: Sic Strumæ Hispaniam, Hydrocele
 Galliam deformat: sic Icterus Calabriam, Scor-
 butus Hollandiam deuenustat: Sic Elephas mor-
 bus, (ut cum Poeta loquar) qui propter flumina
 Nilæ, gignitur Aegypto in mediâ, usq; præterea
 usquam Archide tentantur gressus: oculiq; in A-
 chæis, Finibus, & ut breuiter dicam, Vnquaquæ
 regio, domusq; suos patitur manes. Age verò si
 membratim hoc portentum enuiscres, si pictor is
 instar monstrosam imaginem rudipenni illo ex-
 hibitam, magis artificiosa velis exprimere. Iuc
 clarius Pyraustam, vulturem ceterasq; testat,
 quas modo nominavi, hic viuere conspicias. In
 comparabili natura Doctor Aristoteles in Cypræ
 insula fornacibus ararq; ubi Chalcitis lapu die-
 bus pluribus crematur, ex medio igni nasci ita

Lucretius
 lib. 6. de
 Natura
 rerum 6.
 229.

lib. 3. de
 Hist. Ani-
 mal. c. 19.
 Plinius li.
 11. c. 36.

dit pennatum quadrupes quod Pyrausta dicitur.
Hoc maioris Muscæ magnitudinis per ignem salit,
ambulat. volat & quādiu est, in igne vivit: quū
verò evasit longiore paulo volat, tunc moritur.
Si pisces in Oceano, in fluminibus, in elemento hu-
midissimo generentur, nolite mirari si quod ani-
mal velut Pyrausta, in igne elemento siccissimo vi-
uat & extra eum moriatur. Pyrausta noster mor-
bus est: in igne consistit quicquid virium habet:
extra ignē penitus languescit. Febris, n. qua ver-
naculā Præceptorū Hippocratis lingua πῶς est,
igneæ suæ potestate salit in arteriis, palpitat in
Thorace, volat in nervis. Quamdiu morbus est in
corpore, tādū miser homo febricit, quando autem
febricitare desinit, nulla ipsam amplius stomachi flā-
ma, nulla sitis Tantalea, nulla lingua ariditas,
scabrities, scissura, quæ ignis sunt testimonia, car-
nificant. Non enim Hippocrates tantum vel Ga-
lenus, vel unus medicorū recentiorum Fernelius,
Rondelilius vel Hallerius docet febrem esse calo-
rem primigeniū qui commutatus est in igneum,
sed oēs Medicorum Scholæ, oēs Academia. Quare
si morbus Ungaricus est febris, ut effecta demon-
strant, quæ paulo ante recitavimus, quis non vi-
det animal hoc ex igne nasci? quis Pyraustā non
agnoscit? Vulturem verò si in hoc morbo videre
cupitis, agite & considerate meū quoddā, auctore
Philosopho, hæc avē in excelsissimis rupib. nidifi-
cet ut hinc rarè nidum pullosq. eius liceat cerne-
re. An non similiter febris hæc pestilens ilico instat
vulturis ad supremā tectū nostri corporis, puta
cere.

Sympto-
mata.

Febris.

Sitis.

De Hist.
Animal.
lib. 6. c. 5.

cerebrum ascendit, & dolore ineffabili veluti suo Dolor ca-
 pullo testatur, se ibidem sedē suam, nullumq; deli-
 gere? Quoties n. molestias agrotantiū querelas de-
 carnificina capitis audiuimus? quoties miseros
 mortales inclementia morbi, mente motos fuisse
 deprehēdimus? Alij de suis mercibus incompōitē
 garriebant: alij de vini corruptela & adultera-
 tione veluti caupones loquebantur: de lib. lu-
 ru consultus multa effutiebat: De consilijs, stra-
 tagematibus, bellisq; machinis Miles erat sol-
 licitus, deniq; quisq; de sua arte, quassu, aut ge-
 nere vite vigilās somniabat, vt rectē dixerit Poē-
 ta Claudianus, Caussidicis lites: aurigę som-
 nia currus. Atq; hac crux non vno aut altero die
 tantūm perseuerabat, sed plures in dies proroga-
 batur, atq; ad eō ad extremū morbi, vt meritō in
 excelsa rupe viriū imbecillitas subitanea homi-
 nu, vulcur hic nidificasse appareat. Enimuerd fa-
 cilius est in hoc medico monstro Leonē cognoscere,
 qui velut Rex animalū sua fortitudine & robore
 cunctū antecellit. Exigua gloria est pueros edenti-
 tulos, adolescētes imberbes, sceminas molles posse
 prosteruere, & imperio suo subiugare: at maioris
 laudis & roboris est viros posse pedib; proterere,
 non togatos tantūm, sed quos natura masculos
 effecit, quosq; mars aliquot annis exercuit. No-
 ster Leo indifferēs est circa personas: non sexū, non
 etatem, non genus, non neruos magni aestimat: in-
 trepido animo imbelles & robustos, generosos &
 degeneres, plebeios & nobiles iuxta adoritur. In
 quā dimicatione cogitate sedes quas vires oportet
 expro-

Deliriū.

Tremor
artuum, ex
Venero.

Fallacia.

expromere, quos lacertos intendere, ut magna-
nimo huic Leoni resistamus? Et quamvis Hercu-
leo simus animo, quamvis robore Samsonico præ-
diti, tamen primo congressu panopliam nostram
qua vitam tueri volumus, lacerat frangitque, ut
Medicus in subsidium pugna vocatus, ex repen-
tina virium imbecillitate statim colligat, quod
deplorandus ager cum Leone pessilenti pugna-
uerit. Si sani ab occurssu tantum Leonis expan-
seamus, quo vultus? quibus viribus, futuri somus
ubi ex pugna cum Leone attriti decumbimus, ut
nec genu, nec pes, nec manu præ tempore valeat
officium facere? Utinam adhuc aperto Marte
pugnaretur, quando in hanc arenam debemus
descendere, non vsque adeo ab hoste timendum es-
set: at ex insidiis vita petitur, non Leonis tan-
tum robur, sed vulpis astutiam oportet pertime-
scere. Inducia ubi nobis concessa esse videntur,
clam hostis bellum gerit: ubi nihil periculi esse
videtur, ibi vitam ponimus. Romanos laudo, qui
suos faciales ad bellum indicendum mittebant,
antequam id susciperent: Odi artes Machiavel-
licas, quibus exclusa bonestate, vitiatum tantum
habetur ratio: detestor fraudes Mansfeldianas
quibus fortuna, non data fidei consulitur. Vix
Leonis noxia est, sed vulpecula fraus capitalior.
Etenim qua potest esse fraus maior quam pulsu,
Urina & excrementis naturalibus, & luti indu-
ciarum testibus, omnia fausta ac salutaria pol-
liceri, & interim clandestina vi bonanem peri-
mere? Hinc illa vox admirabilis Medici auditur:

Urina

Vrina bona, pulsus bonus & æger mori-
 tur! At in Coactis prænotionibus hanc Vrinam Vrina lau-
dabilis.
 quæ citra rationem matura est, Opt. medendi
 præceptor malam esse pronuntiavit. Cognoscitur
 ergo Auditores, morbum hunc vulpem esse, quæ
 nullo negotio inexercitatos Medicos decipit, &
 miserum patientem clanculum trucidat. Vidi
 ego meo oculo puellam robustissimam triduo
 sublatam esse à medio, quàm nulla sitis, ardor,
 subversio stomachi, anxietas corporis, aliudque
 malum vexauerat, nisi levis dolor capitis, de quo
 apud domesticos conquesta fuerat. Maximam
 illud morbi testimonium est, repentina virium
 collapsio, quæ non posset fieri, nisi diuinum quid
 esset, quod vitæ insidias tendit. In cæteris mor-
 bis qui veneni sunt expertis, agrotantium vires
 sensim sine sensu atteruntur: in hoc maleficio
 (mirabile dictu) quanta celeritate cadant,
 quanta vi præcipitentur. Id verò malum multò
 maximum est, quod non saturetur cruore vnius
 hominis quem dilaniat, sed instar lopi cuiusdam
 in familiares, consanguineos & proximum
 quemque crudeliter insiliat. Patet id quotidie
 ex densatis funeribus, quæ magno cum inarce Contagiū.
 Resp. intuentur: id domus deserta testantur, li-
 beri suis charissimis parentibus orbati, licet sa-
 ri subinde non possint, tamen lacrymarum v-
 bertate, vestiumque luctu loquuntur. Horre-
 sco adhuc totus, ubi obuersantur animo puero-
 rum, mulierum, & robustissimorum virorum
 cadavera, quæ pestilens malignaque lues congef-
 erat.

serat, & auctoritas Amplissimi magistratus olim nobis iudicanda commiserat. Lupus hic rapax est, quem non emollic pietas, non infantium innocentia, non muliebris sexus infirmitas, sed solum sanguine placatur, non ouium sed hominum, non vnius sed plurium. Vnde qui cum moderatione hunc lupum non timet, ille vel suae vitae perosus est, vel mente captus ut non assequatur ingens malum, quod multorum cervicibus impendet. Optarem sane ut nostri Colonienses paullo plus metuerent, nec Rhenum armaturam inexpugnabilem aduersus hanc feram existimarent, magis, crederent medicis de hac iudicantibus, non amitteret tot ciues egregios Resp. quos hoc monstro dilaniatos indies intelligimus. Caueant sibi ne eandem cantilenam quam olim Ampliss. Consul Syluaducensis suis ciuibus occinuit, cum fidem mihi Medico derogarent, iudicanti morbum esse pestilentiam, diuina castigatione docerentur: Discite mortales moniti, non temnere Diuos: necessum sit ipsis audire, quando increduli, sicuti nuper in foro fanario contigit, plurimorum morte veritatem addiscunt. Multas feras veluti Pyraustam, Vulturam, Leonem, Vulpem, lupum, commemoravi ex quibus monstrum componitur, non tamen adhuc omnes persecutus sum. Videor. n. mihi obseruare quod adhuc sit Rhinoceros, Canis, Hircus, Cantharis, Cuculus, Sanguisuga, testudo, deniq, Scorpio terrestris, quae non minus id de quo loquer monstrum constituant

flituunt, quam animalia quae prius recensui. Si
 ad aluinam corporis regionem oculos conuertamus, qui hic Rhinocerotem non agnoscit, qui
 semper in conflictu istam partem animalium im-
 petit, quam forsitan ad vitam tuendam conservandamq; valde necessariam esse arbitratur? Pax sit
 auribus, Auditores, si oratio nostra ad facies alui,
 ad excrementa corporis deuoluatur, qua non acrimonia mellis, non copia recentis musti, non cydoniorum pomorum astrictio exturbat foras, sed
 virus perniciosum in hoc morbo praesens ulsat & eliminat. Etenim non tam crasso oportet esset ingenio ut cogitemus alui profluuium magis prodesse quam obesse, plus ad salutem quam ad interitum facere. Pax non est, ubi bellum geritur: amicus non est, qui alium vult interficere: hostis est qui ciuitate proprios ciues & incolas exterminat. Certè non secus hic agitur, quam si ciuitas ab hoste occuparetur, armis res tantum gereretur, pro aris ac focis pugnaretur, denique sanguis non sine horrore profunderetur. Excrementa enim incolas, sanguinem vero
 necum proculdubio ciuem legitimum corporis esse iudicabitur: ac hic saepe leniter per nares veluti per vnium portatum stillat, saepe initio morbi liberaliter plenaeque manus quasi cetera ciuium per eandem ruit: saepe per aluum profluuiis dysenterico cum torminibus, &
 carnificina immuni, profluit. Sanguisugam morbum hunc dicere, non reformidauerim. Ex auditu vel lectione non habeo, qua commemoro. Vnde
 sed

Profluuiū alui.

Hæmorrhagia Narium 7.

Dysenteria.

Excreme-
ta fecunda.
Sudor,
Stercus,
Urina.

sed recenter miserando spectaculo inter sui, dum
famulus aurige cuiusdam, iuuenis florente a-
tate, in hac ipsa civitate vehementia morbi a-
liquot libras sanguinis e naribus consentiente o-
nium qui adfuerunt iudicio, effuderit. Ex
incolarum habitu, moribus & conditione, quos
ante excrementa esse diximus, quis Mephitum
non percipit? quis non exclamat, hircus sunt o-
mnia plena? Oculos claudamus, nos ipsi sine
Catulli alicuius iudicio, sudoris miram graeco-
lentiam, solum ventris intolerabilem putre-
rem, Urinae ingratisimum odorem percipiemus.
Non tamen ea sunt omnia, sed certius veneni
argumentum est, quod hircus sudans, statim
ab ortu suo se mirum in modum moueat, saliat,
& exultet non sine spectantis Medici admira-
tione futurique mali presagio. Vt enim auspici-
es ex autum diuerso volatu, Nescio, quid boni
vel sinistri ominentur, sic Medicus ex sphaemeri-
dibus Coacis Hippocratis, Exsudantes, inca-
lescentes malum esse pronuntiat. Infelix
quippe excretio est, quae naturam onerat, non
leuat: malum est vnde natura turbatur, non
promouetur. Quod si solidus noster hircus depo-
nat ab initio suae originis, ventris viciis, liquidum:
viride, huiusmodi, pingue & spumosum, quis huic
Alexipharmaco opus esse insiciabitur? Quis ad-
ed Philosophiae imperitus est, ut ilico non colligat
tantam putredinem nisi venefica vis comes exi-
storet, à febricula, tam breui temporis inter-
uallo, non posse sobolescere? Ex Urinis, exerci-
tatus

tatus Vroscopus non tantum magnitudinem putredinis sed ineffabilis veneni perniciem colligit. Laudabilis enim Urina, si febris, sitis, dolor capitis, Cardialgia, virium collapsio, vel aliorum pravorum symptomatum syndrome praesent fuerit, liquidum venenum quasi inteno digito demonstrat: tenuis & cruda in principio febricula, facultatum corpus humanum gubernantium inbecillitatem arguit: crassa & turbida maximam putrefactionem, ebullitionem, commotionem humorum, naturaeque impotentiam significat, quae nequit separare crassum a tenui, humores continere & conficere. Quare si cocta subito fuerit, gravius malum, si rubea vel in superficie quid eruginis contineat, perniciosam vim, si feteat, hircumque oleat, putredinem portendit. Ex hac humorum ebullitione instar olla cuiusdam aquae feruida plene, miser homo in Caninos mores degenerat. Cui eructare turpe erat, eum iam non pudet palam vomendi desiderium ostendere, vel in conspectu familiarium, consanguineorum, & gravissimorum virorum vomere cibos vel putredinem vel pharmacum redolentes, quibus lectum saepiusque totum cubiculum implet. Si enim halitus pestilens os ventriculi seriat, nausea, cibique fastidium procreatur: si corpus eius attingat, vomitus sine dubio subsequitur. Ut in Oceano fluctus fluctum trudit, ita in hoc morborum monstro vomum ex altero nascitur. Etenim quis Canibardum vim non agnoscit, ubi hypogastrium inci-

Nausea.
Vomitus.

Urinae retentio.

B

pit

Morsus
pulicares.

Lib. 6. Hi-
stor. Ani-
mal. c. 7.

pit aqua rumesce, quando vesica aurā pestilen-
tem ex humorum agitatione sensit? Retinetur v-
rina loco suo conclusa & malum malo cumulat,
ardoremq; agrotanti excitat quasi misellus ebi-
bisset Cantharidum pulverem, quæ parti nomi-
nata sunt exitia. O quot laquei sunt vitæ finien-
da, quæ suapte ingenio brevis existit! Si quis porro
stigmata oculis perlustrat quæ in thorace, dorso,
ceterisq; corporis partibus apparent, non secus a-
ger in hoc morbo, quam Cuculus punctu distin-
guitur. Parum erat tot mala pati, tot casibus ob-
noxium esse vnum hominem, nisi pariter accede-
rent myriades stigmatum, quæ & multitudine
& colore nunc sanguineo, nunc liuido, nunc nigro
sanos & astantem percellerent. Multitudo enim
macularum, copiam veneni, color autem ferita-
tem ipsius demonstrat. Mater ubi videt liberos
suos de vita periclitari, accurrit auxilia, dexte-
ram porrigit, omnemque noxiam repellit, quis
naturam veluti parentem sollicitum non obser-
uat, nobis in discrimine vitæ versantibus opicula-
ri, vitæq; hostem omnibus modis repellere non ex-
spectata temporis commoditate, quæ id post hu-
morum coctionem securè possit perficere? Ma-
lum non dat inducias ubi in corpore receptum
est: sæpè tertio vel quarto die id conatur extru-
dere natura, quæ crudelitatem hostis examinat,
sæpè nono vel undecimo ob humorum crassitiem
in quibus virus stabulatur. Si igitur malicia
humoris, ebullitio, & copia facultatem ad ex-
cretionem stimulent, merito terret nos hic Cu-
culus

culus qui velut infelix avis infortunium nobis
 auguratur. Enimvero sicut ex repentina ma-
 cularum excretionem, feritatem & crudelita-
 tem mali nos laceffentis intelligimus, sic ex ve-
 teri huius Cuculi cantilena, ex pristino morbi
 insultu & conflictu cum natura, docemur ho-
 stem adhuc non eiectum esse corpore, sed egi-
 ciendum, copias aliquas levis armaturæ dissi-
 pator esse, cuneos vero militum, aciemque robu-
 stiores loco suo consistere. Secus vero hic ac-
 cidit, quam in alijs pralijs ubi unica hora v-
 no unico temporis momento victoria paratur,
 hostiumque, vires ex tempore ruunt caduntque:
 hic autem propter veneni genium, quod coctione
 non corrigitur, sensim ac lente morbus elangu-
 escit, ut Testudinem ob id nominare mihi pla-
 cuerit. In febribus malignis nunquam ego cri-
 sin salutarem, perfectamque nunquam experi-
 entissimus Doctor Mercatus, Hispaniarum Regis
 Archiater, nunquam Excellentiss. Vir Clariss. Doct.
 & Professor Holstzenius, & Decanus noster Am-
 pliss. quem honoris ergo nomine observavit, quan-
 quam non vnum aut alterum, agrotum sed fere qua-
 dringentos diuina sua arte ab hoc pernicioso morbo,
 vindicauerit, & sanitati pristina restituerit. Non
 dubito nunc (Auditores Ornatiss.) quin monstrum
 hoc ex partium suarum declaratione facile co-
 gnoscitis: at hesitabitis adhuc, ubi nascitur? quis
 par es scetus tam prodigiosus? Ex quo semine imma-
 nis hac fera gignatur? Dicam vobis, sed tribus ver-
 bis: Proles est Scorpionis terrestris: qua cum

Crisis nul-
 la.

Hist. lib. 5.
de Hist.
Animal. c.
26.

dixi, omnia dixisse mihi videor. Si fœtus parentibus simile sit, Scorpio noster morbus est: si terrestris sit, corpus nostrum illa terra est in qua gignitur: si proles sit Scorpionis terrestris, parentem suum cui vitam debet, infanda scœuita interfecit. Nos parentes morbi sumus & ab eodem dehoramur: Ex sanguine nostro ducit fera originem, & vitæ finem nobis imponit. In nobis tanquam in vtero materno concipitur, fouetur, nascitur, & veluti Nero quidam matrem suam occidit. Oritur magis in pueris, iuuenibus, adolescentibus quàm in senibus: nascitur potius in calido & humido temperamento quàm reliquis: gignitur frequentius in obesis pinguibusquè, quàm gracilibus, in regione potius calida & humida, vere potius quàm æstate, utpote qua maiorem putrilaginem procreat, deniq; in densis potius quàm rare textura corporibus, ob quotidiane s. l. gnis effluuium retentum, quod necessitate quadam debet putrescere. Semen immanis bellue sanguis noster est, sed putrefactus in venis maioribus corporis, non semper solus, sed sæpè cum alijs humoribus, bile, pituita & melancholia commixtus, quantum præcipua materies vitiosi apparatus sanguis existat. Mirabimini forsitan hoc monstrum venenatum in nobis nasci, ex nostro sanguine originem ducere: at si perpendatur, quod Doctiss. Hollerius Scorpionem in cerebro hominis natum viderit, quod vngues excrementa nostri corporis assumpta, nos haud secus pertur-

Lib. 5. c.
17.

turbent quàm infame Antimonium, quodque menstruum mulieris, iudicio Doctissimi Mercurialis, cocuntem febre pestilenti contaminet, omnem admirationem esis depositari. Aer enim semipestilens, quem vel liberior aura non verberavit, vel quem siterum maleficorum conspectus fluxus aliorumque causarum concursio generat, humores nostri corporis ex esu alimentorum pravorum natos veluti parens pernicioso habitu imprægnat, fouet, animatq; ut gignatur monstrum quod ab ignea vi Pyraustam, à capitis obsessu Vulturem, à robore Leonem, à fallacia vulpem, ab alui ruina Rhinocerorem, à vomitu Canem, à satore Hircum, à crudelitate & contagio Lupum, à vesicae lésione Cantharides, à stigmatibus Cuculam, à tarda morbi solutione Testudinem, deniq; ab ortu ipsius Prolem terrestris Scorpionis indiget animæ.

Ita delineauimus vobis monstrum, Auditores Nobiliss. & Ampliss. cuius Herculem veluti dormitorem eius in altera Orationis mea parte quantâ possem breuitate subiciam.

Medicus ergo exercitatus ad domandam hanc belluam, verus Hercules est, qui tribus armorum generibus Dieta, Pharmacia, & Chirurgia, atrocissimam feram domat: domitam finibus corporis expellit: Expulsam cohibet ne infiniti mortales repentina internecione deleantur. Si putredo & venenata vis, coniunctis viribus in morbo pestilenti dominantur, cum iuxta celebratissimum Medicorum axioma, contraria

contrarijs eurentur, nemo Physicarum rerum
tam imperitus est, quin statim colligat aërem fri-
gidum & siccum esse oportere, putredinis gra-
tia quam calido humidoque fieri Philosophorum
decretis manifestum est. Vencum vero sicut
diuinioris est originis, sic caelestem magis vim
requirit, quā coerceri & superari debet. Sed v-
bi talem quæremus, licet cubiculum fuerit ad a-
quilonem, si cælum pluat, si continuus imber
descendat, veluti elapsis mensibus contingit? Si
natura deficiat sit ars subsidio: excludatur ho-
minum frequentia: sternatur paumentum so-
lis violarum, rosarum, vitis, salicis: poma au-
rantia, citriaque collocentur: aqua lauendula,
rosarum, vel aceto alijsque odoriferis aër casti-
getur.

Si vigilia sint immoderata, frontalia ex vn-
guento propuleonis ex paucis opio & croco præ-
scribentur: lotiones manibus pedibusque adhi-
beantur ex papauere albo, nymphæa, lactuca cæ-
terisque soporiferis; emulsio seminis melonis,
papaueris albi, cum speciebus diamargariti frigi-
di in vsum ducatur. Somnus quoque non sit nimis
præsertim inualecente veneno, quod beneficio
huius intro ad viscera contendit. A motu corpo-
ris pax sit: ab omni perturbatione animi requies:
mens esto hilaris, esto quæta. Multi sæpè per-
uenirent ad salutem nisi desperatione adaçti, o-
mnem spem vitæ ante tempus deponerent. Val-
de nocet omnis repletio, omnisque immodica exi-
manitio: prodest alui soluti, quæ si sponte non suc-
cedat,

cedat, ea balano vel communi clystere procure-
 tur. Aperta sunt quae dixi, sed magis obscura quae
 de potu ciboque aegrotantium tractantur, utpote
 num vinum in his febribus concedere oporteat?
 Scio, Auditores, quod si hodie vos iudices huius
 questionis fecerim, proculdubio magnam par-
 tem fore, quae statim iudicabit ex virium re-
 pentinâ imberbilitate, ex febricula blanda ca-
 lare, Mosellanum propinandum esse, ne vires
 penitus cadant & superstities conseruentur: at
 ego vino abstinendum esse existimo, maxime
 in principio morbi, licet haud ferox esse videa-
 tur. Quid vulturi alas vultis addere, ut men-
 tem magis commoveat? quid vehiculum sup-
 peditatis quo virus citius ad regionem cordis
 deducatur? Quid flammam flammâ adijcitis
 & Pyraustam noxium sonetis & alitis? Ne
 tamen crudelis habear, facile haustulum vini
 Olygophori ad vires recuperandas in progres-
 su morbi concesserim, nisi ipsa Syncope à
 magnitudine febris oriretur. Praestat aquam
 acetosâ stillatitiâ, posticâ, aquam hordei
 cum modico succo granatorum, Iulep rosatum
 cum aqua acetosâ, vel aquam hordei si vehe-
 menter sitis urgeat, vel D. Ludouici Mercati
 consilio, aquam nitidissimam in qua aurum
 candens sapius sit extinctum, bibere. Ad ci-
 bum quod attinet, illa verior sententia est, ut
 inter multum & paucum ambigat. Cum for-
 ti Leone pugnatum est: collapsa sunt vires: ca-
 lor reliquus tam valens esse nequit ut multos
 cibos

Gal. 12.
 Methodo
 med. pro-
 hibet.

2. Aph. 10. cibos conficiat. Corpora quoque horum agrotan-
tium impura sunt, quia quanto magis nutritis,
tanto magis laedis: Cibus enim interno inquinam-
enti vitiatius auget morbi formam, & domi-
nium ipsius amplificat. Paucus vero cibus, do-
cente Aëtio ex Herodoto, prauitatem humorum
exasperat, quam ciborum attemperatone de-
mulsere oportet. Si igitur vitellos eorum
cum modico aceto, Omphacio, vel succo curij aut
arantij, si consummata in aqua acetosa, & acidi
benedicti, pullos gallinarum, pisces Saxatiles
cum succo granatorum exhibueris, certe putre-
dinem minues, agrotantem resicies, & vene-
natam vim castigabis. Enimvero hac diabetica
panoplia non est sola hosti grauisimo opponen-
da: cultiris præterea opus est, sanguis effunden-
dus, iugulanda est bestia antequam nos iugulet.
Etenim si macula non appareant, si pericula
adhuc delitescant quibus trepidant nonnihil
Medici, quis non concludat sanguinem esse mit-
tendum nisi vires obsiterint? Morbus in putri-
darum febrium censu est, Sanguis maxime ve-
neni vehiculum, obstructio tollenda, ventilatio
promouenda, portio sanguinis excludenda, ne
totus sanguis, optimus vitæ thesaurus maleficæ
vi contaminetur.

Chirur-
gia.

Lib. 11. de Certissimus medendi Dux Galenus indiffe-
methodo renter in putridis febribus venam aperiri præci-
Med. pit: Auenzoar inter Arabes Medicus iactat san-
Lib. 3. c. 1. guinis missione se plurimos laborantes hac febre
curasse: Doctiss. Mercurialis, Experientissimus
Mer-

Mercatus, Clariss. Rondeletius consentiunt. Non
tamen quouis tempore, & in qua. unq. corporis
parte indiscriminatim celebranda est vena se-
ctio, sed delectus temporis lociq. habendus est,
neq. tantum sanguinis educi debet, ut vitam sed
morbum tollas. In summis celi caloribus quando
Canicula fulget sobrie admodum vel omnino
nihil sanguinis extrahendum est. Quod Gale-
num Principem medicinae docuisse, memini
ad Glauionem me legere. Quis quoq. in febre
pestilenti, post morbi principium quando corpo-
ris putredo inualuit, viresq. diminutae sunt,
tam audax Medicus erit, ut contra Hippocra-
tem, qui in Critone curando abstinnit à vena se-
ctione, quia referente Galeno initio non fuit ac-
cersitus, audeat Phlebotomiam exercere? Quis
quoq. in peticulari morbo, licet sit morbi initi-
um, licet vires constent, tantam copiam sangui-
nis ausus esset elidere, quantam febris magni-
tudo postularet? Non probo D. Mercati opinio-
nem, qui nescio qua seueritate, vena sectionem
repeti cupit, Dandum est interim aliquid mori-
bus gentis: Hispanus fuit: nos Belgae, nos Germa-
ni mitiores sumus, & crudelem istam medici-
nam improbamus. Nunc si nulla sit mensium
retentio, nulla haemorrhoidum suppressio, prae-
stat venam basilicam dextri lateris vulnerare,
sanguinemq. euacuandū profundero, vel Cepha-
licam vel venas pedum in dolore capitis reuulsio-
nis gratia aperire, quam sedis vel malleoli venam
tundere, quae ad robibitum sanguine educendum

1. cap. 12.

3. Epid.
com. 1. tit.
26.Lib. 5. Cō-
fil. & E-
pist. Epist.
ad Ioach.
pag. 339.

B S

meri-

merito antepositur. Levis controuersia est de qua disputauimus: grauior verò, an vena possit aperi-
ri post macularum vel exanthematum eruptionem, quæ doctissimos premit, & viros in operibus
artis exercitatos cruciat. Quare oro vos, Viri Ex-
pertissimi, ut si in definienda hac questione errem,
cessitèq; me vestra doctrina instruat. & certis-
sime argumentis in viam reuocetis: si verò rectè
sentiam, me vestra auctoritate fulciatis, meamq;
sententiam confirmetis. Illud tamen debeo dice-
re, me sentire cū doctissimis hominibus, Clarissi-
mæ doctrina & exercitatione Doctoribus, argu-
mentūq; permoneri quæ, meo iudicio, rem pene
demonstrant. Quis enim Herculem de Saxonia
Professorem Medicinæ Patavinū celeberrimum,
Vidum Vidium scriptis clarissimum, Ludouicum
Mercatum Regis Hispaniarum Archiatrum, A-
lexandrum de Massaria expertissimū pro huius-
modi viris nō agnosceret? Hi omnes unanimi con-
sensu, non semper apertionem venæ post pericula-
rum eruptionem, sed aliquando suadent, & penè
necessariam esse arbitrantur. Non enim docent in
debilibus, in senibus, in pueris sanguinem educen-
dum esse si exanthemata corpus depinxerint, sed
tuto id auxilij genus adhiberi existimant qui
robore & ætate valent, quique copia sanguinis in
vasis premuntur. Si verò absit sanguinis pleni-
tudo quæ vasa distendat, merito cum iis à sacro
hoc remedio abstinendum esse putamus. Eos au-
tem qui venæ sectionem veluti periculosam dam-
nant, virus exanthematum in hanc sententiam

per-

pertraxit, de quo metus est emissione sanguinis
 intro deduci ad viscera, à quibus natura malum
 incipit excludere. Hinc satius esse putant sudo-
 rificari medicamentis motum naturæ adiuuandum
 esse, quam vena sectione opus ineptum impedi-
 re. Enimuero cum aduersarij nostri, nixi eodem
 quo nos fundamento, disputant, puta Medicum
 naturæ esse ministrum, quam in opere suo debet
 adiuuare, nos constanter auctoritate, ratione &
 experientia coacti affirmamus, vena sectione in
 plethoricis corporibus eruptionem peticularum
 promoueri, non retardari vel intro reuocari. Quo- Lib. 14. c.
 modo. n. alioquin Galenus Medicina Dogmatica 10.

Princeps, ut apud eundem in libris Methodi me- Lib. 3. c. 1.
 dendi legimus, tuto venam in Carbunculo pestilenti
 secuisset? quomodo idem in parotidib. ut legere est a-
 pud eundem in libris de compositione medicamen-
 torum secundum Loca fecisset? quomodo in exan-
 thematib. cutis ab hoc sacro remedio in Epidemijs
 non abstinuit? Huic auctoritati accedit insuper ra- 2. in 6. E-
 tio, quæ perita è medio medicina nostram senten- pide. t. 30.
 tia confirmat. Nam si natura stimulis mali agi-
 tata non valeat quod inimicum est, propter copiam
 expellere, manifestè consequens est, eandem id posse
 facere, ubi grauantem plenitudinem deposuerit.
 Si verò causam regressus exanthematum diligen-
 tius animo cõplectamur, non est quod met uamus,
 maculas apparentes denuò ad viscera redituras.
 Vasa. n. naturali quodam desiderio ad humores
 trahendos concitantur, ubi indigentia postulat:
 at cū vena adhuc saturæ sint sanguine, deest tra-
 ctio,

Lib. 4. de
locis af-
fect. c. 4.

ctio, cum tractionis causa deficiat. In sudoribus
ciendis frustra laboramus, ubi expultrix facul-
tas plenitudine sanguinis impedita non possit
fibras contrahere, quarum opera in expellendo
indiget. Vesica Galeni iudicio propter urinae co-
piam, nequit eandem expellere, an non similiter
venae sanguine distenta fibræq; in excretionem im-
pedientur? Illud tamen rotundè fatendum est,
nos minime prodigos debere esse in sanguine pro-
fundendo, veluti magni quidam Medici scilicet
faciunt, nec tam scrupulosos, ut syrnpos oxme-
litis simplicis, scyllitici ceterosq; per scrupulos
dispensemus, nec tam indoctos vel imprudentes,
ut radices Hellebori nigri arbitrio Pharmaco-
peorum preparandas, earumq; dosim sine mor-
bi, temperamenti, causa, & personarum cogni-
tione ab iisdem desinendam, committamus. Et
quia aliquoties in missione sanguinis peccatur,
ut liberalius quàm par sit, educatur, hinc istæ a-
grotantium mortes, Medicorum querela &
contumelia, hinc sæpius in hoc morbi genere
dissuasit Galenus venæ sectionem, vel ut accura-
tus loquar, eius immoderationem. Enimvero si
quis anxius de venæ sectione adhibenda propter
virium iacturam deliberet, tunc potest cucur-
bitas cum scarificatione in usum ducere, qua-
rum beneficio Spiritus venis fixus, calorq; serui-
dus à visceribus ad extimas partes retrahitur,
vires non ita dissipantur, & ager deniq; non tan-
tum à febre lenticulari, sed ipsa peste vindica-
tur. Et sanè dū pestilentia vehemēs (inquit
Gale-

Lib. 4. de
tueda va-
letud. c. 6.
& cap. 10.

Galenus) Aſiam deprehendiſſet, multosq; perdidiffet meq; etiam morbus attigiſſet, ſecunda morbi die, remiſſione febris factâ, crus ſcarificaui, duasq; ferè ſanguinis libras detraxi, hæcq; de cauſſâ periculum vitauit. Pleriq; igitur etiam alij hoc præſidio uſi ſuperſtites euasere, erant enim plenitudinis ſigna: illiq; præcipuè ſaluabantur, qui ſanguinem copioſum exhauriebant. Nobis tamen non licet eſſe ita prodigijs, ut tantũ ſanguinis ex noſtris corporibus, que paulatim a vigore maiorum noſtrorum deſecerunt crudeles ſuffuremur. Interim non tantum diæta, Chirurgia, de quibus hætenus locuti ſumus, ſed inſuper purgatio, ſudoriferum alexipharmacum, Vomitorium, cæteraq; id genus auxilia uſurpanda ſunt, ut miſerum agrosantem ſancibus leſi eripiamus. Purgandus eſt ager ante tertium diem D. Rondeletij Conſilio: ante quartum iudicio Crætonis incomparabilis: ante ſe-

Lib. 5. Cõ-
ſiliorum
medicin.
conf. 28.

ptimum opinione egregij D. Mercati qui hic indulgentior, in uenæ ſectiõne crudelior eſt. Er- enim ſi in morbis non peſtilentibus, ubi materia turget, auctoritate Hippocratis, purgatio ab initio inſtitui debet, qui non iudicat id hic faciendum eſſe ſtatim, cum peſtilens vis maiorem uisceribus perniciem, quàm materia turgens accerſeret? Hoc præceptum non parui æſtimare oportet, quòd multorum hominũ ſanguine nos Medici didicimus, obſeruabimus. Non tamen ſuffecerit in principio morbi medicamentũ purgans exhibere, ſed

sed delectus prater à pharmaci habendus est, ne
 Rhinoceros ad pugnam prouocetur, ne pernicioso
 flexu aluus ruat, idq, potentia vehementioris
 Pharmaci. Cauendum vnicè est ab Antimonio, à
 turbit, minerali, à præcipitato Chirurgorum, à
 Scammonio, Euphorbio, inò ipsis communibus
 Rhabbaro, Agarico, quod infusum in validis
 subinde admittitur, vt præsentaneum periculum
 euitemus. Si enim his acrioribus pharmaci natu-
 ram vèluti equum generosum calcaribus irrite-
 mus, an aliud fieret quàm quod Poëta scripsit:

Virgil.
 lib. 1. Ge-
 orgic. in
 fine.

Vt cū carceribus sese effundere quadrigæ;
 Addunt se in spatia, & frustra retinacula
 tendens
 Fertur equis auriga, neque audit currus
 habenas.

Mollia placent: lenientia sat agunt vt virus quòd
 sua spūe naturā latebit, ab hū expulsionis ducat
 initium. Profunt igitur Cassia, Manna, Syrius
 rosarū solutiuus, elect. lenitiuū, diasebesten, cly-
 ster molliens, præsertim si vèter durus sit caputq,
 veneno oppugnetur. Vomitoria deniq, leuiscula
 si malum ex secundā corporis regione in primam
 transferatur. Postremum id Consiliū placuit Ar-
 chiatris Ludonico Mercato, Platero Felici, & Do-
 ctissimo Rondeletio qui rectè ex Hippocrate natu-
 ram eò ducendam esse censet, quo vergat. Vnde si
 macula erumpant, e. s. medicamento sudorifero
 promouebit Medicus, minime humorum coctione
 expectatā quam frustra requirit Alexander de
 Massaria, vir aliquin doctissimus vt pote qui non
 cogi-

cogitat humorem venenatum expulsionem potius quam coctione à natura superari debere. Et enim natura victrix morbi, non tantum humoris morbifici coctione, sed venenati exclusione triumphat. Quis victoriam merito culpet, quae eiectione hostis acquiritur? Quis naturam reprehendat, quae non dolo malo agit: at per rectas vias hostem venenatum expellit? Si morbi minime pestilentibus, propter periculi magnitudinem, Medicus humorum concoctione non expectata auxiliatrices manus adferat, cur securo animo erimus in pestilentibus, tardiores ad iuuandum in morbis qui citius agrotantem iugulent? Cautio tamen adhibeatur, ne ladas naturam sudoribus ciendo quam iuuare voles, quas deposita plenitudine & obstructione expedita, concitare oportet, non medicamentis validioribus quae feruore, ebullitionem, maiusque incendiū humorū efficiunt. Sed quae moderatione quadam sum manus obeunt. Quare lapis Reznardicus (quem quidam initio exhibitum prodesse, in augmento obesse volunt) cornu cerui vsum, semen naui, citri, Spiritus vitrioli, decoctum saniculi & lacca, caricarum cum rad. scorpionera, aut buglossae commendantur. Diascordium D. Fracastorci egregium est remedium si vis ipsius ignea succo citreorum, & syrupo de buglossa castigetur. Interim ne longior sim in recensendis remedijs. Epithemata, & Unguenta cardiaca, portiones alexipharmaca, aliaque in vsum ducantur quibus symptomatibus varijs obuiam ire debemus. Audistis igitur

pano-

Lib. 5. cōf.
& Epist.
pag. 365.

Syrupus
de succo
scordijs.

panopliam qua Medicorum Hercules instructus
monstrum febris pestilentis domare potest: Co-
pias explicuimus quibus non formidamus cum
monstro horrendo conflagere: Exercitum reme-
diorum exposuimus, cuius robore fusi aduersus bel-
luum inius pugnatum, quae fortes Capitaneos,
Generosos Duces, imperterritos Principes cru-
deliter interficit. Laus est, febrem quotidia-
nam, tertianam, ceterosque morbos corporibus
humana posse expellere, at diuinum est ratio iu-
cundeq, pestem, febremque pestilentem curare
posse. Quis enim nisi sit ingenij diuini, virium
astutia Vulpem, robore Leonem, pugnandi-
que sollertia Rhinocerotem superabit? Quis
domabit bestiam multiplicem, quam nec verè
lupum, nec canem, testudinem, cuculum, vul-
turem aliasque feras possum dicere? Sed heu ma-
lum! quam paucos hodie Medicos reperire licet,
monstro triumphante qui de hoc victores ex pugnâ
saluantur. Habent cultros, gladios, cucurbi-
tas ceteraque id genus armorum: habent purga-
tiones blandas & vehementes: habent Vomico-
ria, Clysteres, Sudorifera, & Alexipharmaca
remedia quibus pugnatur, at nondum exerci-
tati sunt pugiles ut cominus eminusque, punctim,
cassimque variisque armorum dexteritatem hostem
ferire possint. Quid prosunt arma si rectè uti ne-
queas? Si Dauides, depone arma Saul: vtere tuis
prosidio si aliorum non sis assuetus: nec alio-
rum panopliam contemne si nequeas
eâ tuum corpus defendere.

DIXI.

ORATIO
DE STUDIIS HIP-
POCRATICIS CVM
Chymicis coniungen-
dis.

Habita ab

HERMANNO FOLLINO
Phil. & Med. Doct. & Pro-
fessore.

Dum lectiones Medicinæ auspicaretur Anno
1622. 6. Februarij.

ORATIO ALTERA.

Siquid ingenij, doctrinæ, &
eloquentiæ, in me esset, quod
exiguum est, Auditores
Nobilissimi, Amplissi-
mi, Consultissimi, Ex-
pertissimi, & Ornatissi-
mi, optarem ardentè, ut
ea omnia felici quadam conspiratione in hoc Au-
gusto virorum Academicorum consessu hodie vo-
bis possim expromere, quibus veterum Medi-
corum auctoritas dignitasq, confirmanda est, &
recentiorum splendor, nobilitasq, tuenda aduer-
sus eos, qui non reformidant vetustam artis Hip-
POCRATICÆ

poetraticæ maiestatem plenis buccis contemnere,
 vel intolerabili quodam errore Chymicorum sci-
 entiam veluti ridiculam, vanam, futilemque rei-
 cere. Etenim non levis est causa, quam defenden-
 dam suscepi, cuius multum interest Reip. Scho-
 leq., præsertim si oculos conijciamus in eorum
 auctoritatem, doctrinam, & gravitatem, qui in
 hoc negotio dissentiunt. Alij enim vnicè amant,
 explosa Chymicorum doctrina, quæ sapientissi-
 mus Hippocrates, vel peritissimus Galenus docuit,
 posteruq., litterarum monumentis consecrauit:
 Alij quotidiana voluptate & dulcedine capti,
 quam ex Aristotelia corporum naturalium ignis
 beneficio percipiunt, ab Hippocraticis Medicis a-
 lieno sunt animo, quos parum artifices esse exi-
 stimant. Ita dum certatur, optandum esset, ut res
 cum re, argumentum cum argumento expende-
 retur, sed humani ingenij imbecillitate conuitia,
 calumnia, abusus, cæteraq., id genus malorum,
 pro rationibus in medium afferuntur. Hinc ma-
 gna perniciæ Reip. factum est, & bonæ famæ ia-
 cturâ, ut qui se Galenicum nominet, alibi conte-
 mnatur, qui se Chymicum appellet, alibi velut
 indoctus, rerumq., medicarum imperitus reijcia-
 tur. Ego hodie quid de hac disceptatione cum
 enumeratione officij mei, cum vestra utilitate, au-
 ditores, libenter exponam, idq., facturum, auctori-
 tatis, rationis, & experientie panoplia instru-
 ctus, ut clarè intelligatur, quibus Medicæ vita,
 salusq., civium concredi posset. Quod dum facio,
 oro vos, atq., obtestor, Auditores Ornatissimi, ut
 ani-

animo presenti & candidorem totam altius me-
cum repetere & expendere dignemini.

Mea igitur opinio est, ne vos diu suspensos te-
neam, Hippocratem & Galenum Principes Me-
dicinæ agnoscendos esse, in quorum scriptis qui
versatus non sit, vel eorum methodum medendi
absolutè contemnat, non Medicum esse sed male-
dicum, non artificem, sed carnificem, si Medici-
nam in Rep. vnquam exerceat. At hæc veterum
doctrina tanti apud me non est, vt eandem pu-
tem ad summum perfectionis fastigium perue-
nisse, addi huic vel detrahi nihil posse, posteros eo-
rum sua diligentia, artis exercitatione, & obser-
uatione nihil consecutos fuisse, quod ad artem
nostram vel exornandam vel amplificandam
faceret. Multa enim & præclara medicamen-
ta nobis hodie ars Chymica suppeditat, qui-
bus ad salutem agrotantium utimur, qua
nec Galenus, nec diuinus Hippocrates affecu-
tus est. Magno cum iudicio Chymici artifices
purum ab impuro, subtile à crasso, nobile ab
ignobili, utile ab inutuli separant, vt curatio
tanto iucundior & felicitior euadat, quanto
Medicamentorum preparatio operosior exi-
stir. Vtrosque igitur amo Galenicos & Chy-
micos: neutri eorum suas laudes derogare cu-
pio, neutrius gloriam suppressere, vtrumque ad-
uersus hostiles impetus defendere. Quid sodes
possunt inquirere aestimatores aduersus Hip-
pocraticam & Galenicam doctrinam obicere?

Nihil forsitan, nisi quod manca sit, quod adhuc imperfecta, & nauos quosdam habeat. Id libenter concedimus, habent reum confidentem; crescit enim ars indies, nec veteribus cancellis concludi semper potest, nihilominus tamen id proba inuenta non conuellit, axioma non enervat, nec antiquam medicinam iugulat. Imitemur quasso Anatomicos, corpusq; Medicina Hippocratica exenteremus, nervos eiusdem quaramus, musculos inuestigemus, Bone Deum, quantum hic robur doctrina ostenditur! Hac admiratione raptus olim Macrobius has laudes effudit, ut quod ipse ignorauerit, post illum sciuert nullus, & quod tam fallere, quam falli nesciuert. Etenim in eo est verborum pressa proprietate, sententiarum concisa subtilitas, sermonis veneranda antiquitas, & artificij commendabilia dignitas. Si mentem, oculusq; ad libros Aphorismorum conuertamus, hic tam neruose, tamq; viriliter sunt scripti, ut liceat nobis hic fere idem dicere, quod de S. Ioannis Apocalypsi Theologi, videlicet tot penè mysteria, quot verba existere. In Coactu Pranotionibus est singularis, in Predictionibus est diuinus, in Epidemijs linceus, deniq; in ceteris ita magnus, ut à toto orbe terrarum semper medicina Princeps habitus fuerit. Rectè enim antiquissimus Soranus scripsit, Medicinam inuenit Apollo, amplificauit Æsculapius, perfecit Hippocrates. Cum id temporis medicina tantum constaret experimentis fallacibus, vsibus incertis, & remedium gene-

ribus

In Prefatione Isagoges.

bus, qua curatio brutorum animalium docue-
 rat, certè sapientissimus artifex requirebatur,
 qui adolescentem doctrinam posset perficere.
 Non satis erat animaduertisse, quid Hippopota-
 mus plenus sanguine, affricu spinarum copiam
 eius è ventu excluderet: quod Ibu auis iniecta in
 testinu muria per rostrum, saburrâ ventris
 deponeret: quodq; Chelidoniâ hirundines cele-
 brem efficiant, accipitres Hieracium, Ciconia
 origanum, rutam musclâ, hedera apri, fœni-
 culum deniq; anguis demonstrarent, sed ratione
 & prudentia opus erat, quò vtiliter & cum fru-
 ctu remedia, quæ quibusdam profuere in usum
 duci poterant. Sicut enim vnum collyrium ne-
 quit vitia cuncta oculi persanare, vel vnus cal-
 ceus omnium pedi accommodari, sic neq; vnum
 medicamentum omnibus prodesse possit, licet
 morbis eiusdem generis affligantur. Quare o-
 portuit, vt diuini senû verbum vter, Sapientiam
 transferre ad Medicinam, & Medicinam Lib. de de-
 vicissim ad sapientiam: Medicus enim conti habi-
 Philosophus, Deo est similis. Nam veluti tu.
 Deus Opt. Max. nunquam labitur aut cessitat
 in suis operibus, sic Medicus sapientia panoplia
 instructus ad similitudinem diuini numinis,
 morbum agrotantis rectè cognoscit, aptum me-
 dicamentum eligit, & pro diuersitate tempera-
 menti, sexus, virium & parium eundem sine
 errore annititur profligare. Sic sensim cognitio
 medica ad fastigium scientia surrexit, quæ suâ
 demonstrationibus & energiâ per sapientiam

Hippocrates ingentem sibi gloriam & immortalitatem comparauit. Id certe euidentis sapientiae iudicium est, quod primus elementa qualitatum, calidi nimirum, frigidi, humidi ac siccis notionibus indigetauerit, aërem & aquae conditiones explicauerit, naturam definiuerit, foetuum formationem tradiderit, ex temporum mutatione venturos morbos praemonuerit, idam eorundem praedixit, denique salutem vel interitum agrotantium praesenserit. Nec id praetereundum est quod Aristoteles Philosophorum Princeps, Prudentia oculus, & dux multa ab eo mutuari non erubuerit. Caterum quia non dubito, Auditores, quin communi suffragio probaturi sitis Damasceni opinionem: Medicum efficacem esse oportere in opere, non loquacem in sermone, recte mihi videor facturus, si doceam nostrum Hippocratem ut eloquio, sic similiter operibus magnum extitisse. An ob aliud quippiam, Thessaliae, Macedoniae, ac Thraciae seruator fuit dictus, quam propter infinitos homines, quos letho sua arte eripuit? An propter alias causas magnus Persarum Rex Artaxerxes celebritate nominis Hippocratici excitatus, eum ad se vocari iussit, quam propter felicitatem artis medicae, de qua Gratum exstat elogium, latinis verbis sic redditum: Hippocrates lumen fuit, & saluauit populorum gentes, & mortuorum fuit raritas in inferno? Audiuit istas acclamationes sibi fieri à populo Abderitano dum ad Democritum sanandum contenderet: O Iupiter seruato, adiuua-

In Epist.
Hipp.

to,

to, medicato. Concipite sodes animis vestris
quos tunc applausus, quæ lætitiæ argumenta,
quas sibi gratulationes audiunt & vidit fieri, ubi
non unum hominem, non pagum aliquem, non v-
nam civitatem, sed totam Græciam à peste sa-
uissimâ liberaverit, vindicaverit & incolumita-
ti reddiderit? Quis ista? Athenienses sapientis-
simi homines propriis regulis in Remp. meri-
ta civitate Hippocratem viuum donarunt, publi-
cèq; eum in Curia Prytaneæ nutriti consi-
tuerunt, & mortem Græcis versibus, quos sic La-
tinitati donavit Morus, condecorarunt.

Thessalus Hippocrates Cuius genere, hac iacet urna
Phæbi immortalis semine progenitus.

Crepbra trophæa tulit morborum, armis Medicinæ.
Laus cui magna, nec id forte, sed arte fuit.

Quare non immerito hunc virum Plato Æ-
sculapij successorem Galenus veracem, Magnum,
Probum, Philosophorum omnium ac Medicorum
Principem, Magistrum diligentissimum, nobilissi-
mum ducem, disciplinarum auctorem maxime
admirandum, senem, virumq; venerandum no-
minat. An hæc laus & gloria cum Hippocrate
mortua fuit? an utilitas artis & liberalitas ho-
minum erga artifices à fato principis deiecit? Mi-
nimè gentium: cum doctrina Hippocratis lau-
des, gloria, & utilitas perennant. Thessalus ab
Atheniensibus aurea corona donatus est. Demo-
cedas Medicus à Dario, propter restitutam
sanitatem duo paria aureorum compedum, Herodo-
& ab eius vxoribus phialas aureas dono ac-
cepit. Claudius Galenus fidelissimus Hip-

In oratio-
ne quæ le-
gatio dici-
tur.

Herodo-
tus in
Thalia.

C 4 pocræ-

Suetonius.

Cap. 38.

poetratis interpretes, anima principū, medicina parentis fecundissimus Roma propter artis felicitatem, non tantum scriptis clarissimus, sed ei posita statua æternum nomen consecutus est. Augustus Imperator Musæ liberto à quo restitutus erat sanitati, æream statuam Aesculapij signo vinctam erexit, totiq; medicorum famula munus-tatem civitum munera concessit. Iulius Cæsar omnes Medicinæ Professores civitate donavit. Sed quid vetera commemoro, cum sint in memoriā nostrā Cœterij, Gortates, Petronij, Mercuriales, Capivacij, Vallesij qui omnes felicitate artis Hippocratica diuitias, gloriam, & immortale nomen sibi pepererunt? Commenda mihi auctor est Iacobum Cœterium Gallum, Ludouici Francorum Regis, eius nominis vndecimū Medicum, decem millia aureorum singulis mensibus pro mercede accepisse. Garcias ab herito Medicus excellentissimus à rege quodam Indorum duodecim millia dalerorū Germanicorum, veluti sostrum vnius morbi consecutus est. Philippus secundus gloriose memoria Hispaniarum Rex, Archiatro suo Francisco Vallesio ob febriculam septem dierum spatio profligatam, præter annuum stipendium amplissimum, sex aureorum millia dono transmisit. Verè igitur illud Ecclesiastici Medicis Hippocraticis accommodatur: Honora Medicum, propter necessitatem, etenim illum creauit Altissimus. A Deo est enim omnis medela & à Rege accipiet donationem. Disciplina Medi-

Medici exaltabit caput eius & in conspe-
ctu Magnatum collaudabitur. Quæ cum ita
sint, Auditores, satis mirari nequeo quorundam
mortalium vel temeritatem in contemnenda ve-
tustate artis Hippocraticæ, vel si melius loqui ve-
lim, crassam ignorantiam, ut non videant illam
veram esse Medicinā, quæ à tot retro actis seculis
per Europam, Asiam, atq; orbis partes in Ca-
thedris si volūq; passim nervosè doceri, in Rep. v-
tiliter exerceri, à Regibus, populisq; reuerenter
coli & suscipi consuevit. Fateor ingenuè, habent
illi, quæ possunt obijcere, sed tamen talia non
sunt, quæ maiestatem artis proculcant. Aiunt Plinius li.
Plinianā auctoritate moti, Romanos prudentiæ 29. Histor.
duces olim Medicos vrbe expulisse, unde medici Naturalis.
nam haud magni faciendam esse arbitrantur.
Graue crimen est Misomedice, quod nobis impin-
git, sed vide fides quos hoc gladio vulneras? Anne
putas quod veros Medicos hac oratione cruenta-
ueris? quod Hippocraticos iusto conuitio lacer-
aueris? Vbi tua mens? Vbi oculi? Nonne vides i-
stos, pestilentes Iudeos fuisse, quibus nos hic et-
iam vexamur, qui nihil habent, ut multum dent:
Circulatores Thraſonicos, Scurras Ioannes Pot-
tagios, qui ex vna olla cunctorum affectuum
medicamenta depromunt, circumforaneos bul-
latos, quibus forum nostrum festo S. Theophoria
plenum est, histriones insulsos, Pseudachymicos
subdolos, Magistellos omni Philosophia nudos,
Barba tonsores sciolos, Clinicos superciliosos,
magomedicastro, singaros, carnifices, quos nu-

Plinius loco
citato.

Libr. de
præcog. ad
Posthumā
cap. 4. lib.
de facult.
purg. cap.
ultimo.

per in foro ut populum carnificarent, aquis oculis aspicere debuerunt, denique, sceleratam manum fuisse, quæ hodierno die passim miserum vulgus, & interdum graves viros non tantum argento emungit, sed vita priuat? Vtinam Romanorum exemplo, ipsorum Colonia hanc pestem hominum in exilium relegaret, ne periculis bonorum civium posset discere & per experimenta mortes agere, felicius & fortunatius ageretur cum Rep. in qua clam hominem occidisse summa impunitas habetur. Cum hic manipulus pseudo-medicorum Romam confluxisset, tum perijissimus noster Galenus ibidem vixit non absq; horum ardelionum odio (commune vitium est ut indocti doctioribus inuideant) quos sæpè oratione sua, sapius artificio stravit, vicit, superavit. Exiguū putat esse Misomedicus quod dixit, maius esse quod sequitur. Quomodo (inquit) Medicos laudare possem Hippocraticos, sine Galenicos, quomodo meam vitam ipsis credere, qui non curant morbos eloquio, sed medicamento, quod ab alijs traditum, idem an diuersum, à Pharmacopæis preparatum bene vel male, integrum viribus aut languidum nequeunt asserere? Magni momenti est, Auditores, quod obijcitur, si Pharmacopæus sit vir indoctus, prauusq; ingenij, parui, si probitate & doctrinā excellat. Sed heu calamitas! quibus hodie turpis illa vox Vespasiani Cæsaris non placet? Lucri bonus odor ex re qualibet. Volo dicere sed cum mærore animi dico, quorūquingq; hodie Pharmacopæorum ita officium facit sicut

sicut ratio, charitas proximi, & scientia artis postulat? Alij enim illotis manibus ad hanc artem tractandam accedunt. Alij, si fideliter artem calleant, ita credunt & viuunt ut Dei precepta negligant: quia si temnant quanto magis audebunt leges hominum, precepta Medicorum flocci facere, curamq; agrotantium deponere? Hinc oritur illa audacia ut saltem in alienam messem iaciāt, saepiusq; se dominos faciant cum sint ministri, Medicos cum Pharmacopar: hinc negligentia originem habet, ut quod ipsi met debent componere, rudioribus famulo, vel vxoribus committant: hinc fit ut non erubescant civile βαλλειν, si medicamento prescripto careant, ne lucrum paulo maius eripiat. Piget me plura dicere, debeo tamen dicere, ut communi saluti, totiq; Reip. consulatur. Medicamenta aliquando ab Indis, Persis, Græcis, Arabibus atq; extremis Garamanthis aduecta, quæ vel teredo exedit, vel tempus extenuauit, vel situs diuturnus emedullauit, pro integris atq; incorruptis venduntur. Si forsitan in coquendo, vel preparando peccatum fuerit, viresq; desideratas non habeat, nihilominus id quasi perfectum ex officina Medico prescribenti obtruditur. Si nostræ mulieres in elixandis ouis subinde peccent, ut vel nimis mollicula vel dura sint, an non similiter artifex noster subinde in opere suo cessitat? et tamen bono odore lucri compulsus non reformidat rem sœtidam diuendere. Omitto nunc quod auaritia excacati, miseram plebem pecunia emungant, exigendo plus pro medicamento, quam par est, ut curationem morbi præ-

inopia nequeat persequi, Satis dixi, Misomedice-
 & quæ dixi non vitia artus, sed hominum sunt:
 quorum inscitiam, negligentiam, audaciam, &
 avaritiam, vos oro atq; obtestor ô viri consulares,
 propter communem salutem civium, propter
 privatam vitæ conservationem propter artis no-
 stræ splendorē, ut radicitus auerituncetis, ex-
 tirpetis. Plura sunt alia crimina, quæ Misomedi-
 cus aduersus Hippocraticam doctrinam euomit,
 sed similis farina, quæ non in artem, non in re-
 ctam medicinam cadunt, sed in homines, quibus
 haud religio est sacra profanis, vera falsis, pa-
 radoxa receptis opinionibus miscere. Non enim
 hosce novos Vromanticos fecit veracissimus Hip-
 pocrates, qui ex sola vrina inspectione omnia
 morborum genera cognoscere, decreta salutis
 aut mortis fideliter explicare, consilia sanitatis
 recuperanda præscribere pollicentur: non docuit
 venerandus Senex discipulos suos amuletum i-
 stud Odontalgicum Galbes, Galbas Galde,
 Galda: non reliquit sapientissimus artifex poste-
 ris suis ista deliramenta, quæ Trallianus, Mar-
 cellus Empiricus, Gordonius Valesius, aliq; id
 genus ad Epilepsiam, ophthalmiam, ceterosq;
 morbos pellendos auribus insusurrant. Vtinam
 hic finis querelarum esset, sed probo dolor, itum
 est ad Magiam, quæ hodie prætextu Sympathia
 & Antipathia rerum naturalium defenditur.
 Quid enim aliud est telungium, quàm execrabi-
 le dæmonis inuentum? mirabilis hic esset, rerum
 proprietates quod linimentum pugioni inunctum

ab

ab apice manubrium versus benefaceret, & a
 manubrio apicem versus grauititer vulnerato offi-
 ceret. Sed abeamus ab his nugis, quibus ars vera
 non polluitur: manet veritas inter mille menda-
 cia, inter mille dolos perennabit n medicina Hip-
 pocratica, quæ Deum habet auctorem, quam ge-
 nuit Ratio & Experientia, synceros suos cultores
 premijs & honoribus afficit. Hac cum ita sese
 habeant, quis non videt, verissimum esse, qui do-
 ctrinam Hippocratis contemnit, non artificem
 sed carnicem esse, qui nudus hac arte morborum
 curationem aggreditur? Si quis imparitus artis
 Sutoriae corium perdit, ex quo calceos formare
 tentat, an non audaculus ille per imperitiam &
 artis sacræ ignorantem hominem instat carni-
 ficis occidet, quem præter rationem officij curan-
 dum suscipit? Non enim ligna sunt neque lu-
 tum, neque corium quibus medemur (ait
 bonus Damascenus) sed tenuioris & pretio-
 sioris essentia, opificium Dei, homo vide-
 licet in quo lapsus procliuis quidem, sed
 admodum periculosus, qui sæpè ad inte-
 ritum terminatur. Nunc me conuerto ad al-
 teram orationis meæ partem, in quâ docebo bre-
 uissimè Chymicos non vituperio, sed laude dignos
 esse, non inimicos arti Hippocraticæ, sed amicos
 fideles existere. Hodie tanta cecitas est mortu-
 alium, Auditores, ut audito nomine præstantissi-
 mæ artis Chymicæ, incipiant eandem conuicijs
 lacerare, faciantq; non secus, quam malitiosi i-
 sti homines, de quibus S. Iudas Apostolus conque-
 ritur:

Rodol-
 phus Go-
 clenius in
 lib. suo de
 vnguento
 armario.

10. Aphor.

Transitio.

Epist. Iud. ritur: Hi autem quæcunque quidem igno-
 vers. 10. rant, blasphemant.

Argumē-
 tum à de-
 finitione.

Quomodo enim alioquin posset Chymicum
 continere, qui purum ab impuro separat, cras-
 sum à subtili, balsamum à stercore, substantiam
 à cadavere: qui non patitur ut medicamentum
 Helleboratum, Scammoneatum, Euphorbia-
 num, Colocynthisiacum, Opiatum corporibus hu-
 manis ingeratur, priusquam perniciofa vis ve-
 neni deposita fuerit, deniq, Vulcani beneficio
 mixtorum corpora euiscerat, ut sensu constare
 possit, ex quibus vnumquodque componatur?
 Dic mihi sodes, Misochymice, si Galenicus te ad
 prandium vocasset, tibiq, primum ferculum pol-
 licitus fuisset, mesenterium animalis plenum
 adhuc ciborum reliquijs, sed coctum diligen-
 ter, Sacchariq, dulcedine conditum, rogo virum
 conuiuia, vel domi manere mallet? Hic lupum
 auribus tenes, heres, ambigis. Si mecum sentias,
 malletm atro pane vesci, quàm ad huiusmodi
 prandium accedere: pura me afficiunt, quisqui-
 lias odi. Quod si sanus & integer corpore ali-
 menta plena fecibus, licet sint mellita, non cu-
 pis attingere, quare egrotus insueta tibi medi-
 camenta, qua scatent impuritatibus deuorare
 non reformidas? O stultitiam! Putasne te
 robustiorem & valentiorum esse in perferendis
 medicamentis, quàm alimentis, in morbo quàm
 in prospera valetudine? Imitare Galenicos,
 qui suis egrotantibus ob naturæ imbecillitatem,

non

non solidam carnem, sed eius succum, vel eius loco iuscula & gelatinas pro alimento exhibent: An nobis non licet esse ita solliciti in propinandis medicamentis, quæ partim insita sua vi, partim copiâ impuritatum agrum obruerent? Tales enim Medici, Plutarchi iudicio, non aliud faciunt, quam quod consuetudo & cognata corporis excrementa eliciant, injiciant verò in corpus indefecatas Pharmatorum turbas, quæ magis expiatione indigent, quam quod ritè hominem expurgare queant. Quis pleno ore iniuriam non predicaret, si Magistratus noster ciues Colonienses vrbe expelleret, alienos & aduenas admitteret? Si proscriptis vestris amicis, cognatis, & familiaribus Coloniam antiquam, nouis hominibus Hispanis, Gallis, ceterisque nationibus implere cuperet? Quod si naturæ laboriosum, molestumque sit bibere medicinas à veneno & impuritatibus immunes, ut Princeps Arabica medicina existimat, nemo non videt, quantum molestia agrotanti, oblatione impurius pharmaci, exhibeamus. Vnde discamus potius à rusticis, qui lumine naturæ edocti, granum à palea, vinum à vinacea separant: discamus à pistoribus qui frumentum prius mola attritum, hinc à surfuribus liberatum, postea fermento & aqua subactum in panem committant. Quanquam verò panificium tanta industria, tantoque sudore prepararetur, nihilominus internus humani corporis Chymicus, labo-

Libr. de
præceptis
salutari-
bus.

Auicenna
lib. 1. fen.
3. doct. 2.
cap. 1.

Allusio ad
dictum
Ciceronis
in Milone.

laboriosa hac preparatione non contentus denti-
bus, quasi noua mela cibos oblatos comminuit,
heterogeneos humores separat, triplicemq; conco-
ctionis excrementa expellit. Vnde liquet, Audi-
tores, quod hæc ars ab hominibus non sit propriè
inuenta, sed nobiscum nata, quam non didici-
mus, accepimus, legimus, verum ex ipsa natura
arripimus, hausimus, expressimus: quam non
docti sed facti, non instituti, sed intuitu cognoui-
mus. Quid enim certius argumentum esse potest,
quam quod depromptum è sacris literis, docet
Tubalcain (Gentilium Vulcani) filium Lamech
in ipso mundi ortu fabrum ararium, ferrarium-
que fuisse, qui ex ære, ferroq; opera procuderit?
Non enim æs & ferrum ita ex terra progermi-
nant, ut sine beneficio artis Metallurgicæ ferri &
æris excoquendi artificibus inferuire possint.
Hinc successit Hermes Trismegistus omnium
Philosophorum Pater, qui tabulam Smaragdi-
nam, de opere lapidis Philosophorum posteritati
consecrauit: hinc suscepta est expeditio Argonau-
tica in Colchidem ad tollendum aureum vellus,
quod Suida interprete, nihil aliud est quam liber
in velleribus conscriptus, qui artificium faciendi
auri continebat: hinc statim Democritus ipsius
naturæ genius, Salomon sapientissimus, Iulius
firmicus Astrologiæ lumen, Heliodorus prudentis-
simus, Almanzor Rex Hispaniæ potentissimus,
Bulcasis laboriosissimus, & Mesue nobilissi-
mus, omnes auctores Chymici ingeniosissimi
subsecuti sunt. Quid opus est Albertos magno,
Raymun-

Raymundos Lullios, Auicennas, Vlsadios, Paracelsos, Syluios, Fernelios, Rulandos, Turqueros, Harueros, Quercetanos, Hartmannos, Birekmannos, Cratonet, Andernatos, Frambisarios, aliosq; infinitos recensere, qui scripserunt & operibus artem Chymicam commendauerunt? Ipsa per se satius fulget, praeterio Cicroniano haud opus est: Illud tamen praeterire nec volo, nec debeat, quod libris Meteorum natura doctus Aristoteles, rationem conficiendi sales ex plantis planissime docuerit: quod Galenus, Paulus Aegineta, Aëcius Theriaca Hippocratica Medicinae propugnatores acerrimi, Sales Theriacales modumq; calcinandi agnouerint, probauerint: Certè quo iure, qua lege, quibus rationibus, ex schola medica artem Chymicam, qua separationem puri ab impuro proficeretur, quod inest omnibus corporibus mixtum, relegabimus? Audite sodes Galenum docentem: Vinum namque diximus, vnum quidem habere in se recrementum crassarum partium, vnde dum temporis spatio secernitur, ferturque deorsum, fex consistit: Aliud verò secundum quod florem nuncupant, quod dum vinum feruet, supernatat, sed postea ad faeces subsidit: tertium aqueum, quod toti vino permixtum est: hoc primum potissimumq; feruet: quartum praeter hæc est ipsum, reuera vinum. Ostensum verò etiam est, quod tam in oleo: tum in lacte, tum in alijs omnibus succis eadem sit recrementorum natura.

D

mul-

Lib. 2. ca. 3.

Lib. de

Theriaca

ad Pisonem

cap. 31.

Lib. 7. cap.

11. libr. te-

tra. 4. ser.

l. c. 97.

Libr. 4.

simpl. c. 3.

multoque magis in totis plantis, metallicisque omnibus. An non hic Galenum clare Chymicum agnoscitis, qui in quouis corpore vegetabili, animali, & metallico, varias substantias arte, veluti natura simia, separabiles, demonstrauit? Quod si Medicinam Hippocraticam, Domini & Imperatricem aestimemus, quaso non simus tam aduerso animo, ut eidem Chymiam veluti legitimam eius ancillam insideamus. Pedissequam facimus Chymiam, non heram, subsequi debet, non praere. Pharmacopaei in familia medica recipitur, Chymicus excluditur, uterque minister est: at hic nobilis, ille ignobilis: hic incundus est, subtilis, purus, ille molestus, crassus & sordidus. Iniuria, mehercule, insignis est quam perpeti non debemus.

Confutatio.

Qua cum dico, videor mihi audire voces clamantium, Quid agis Chymicorum Præco? Cur nouam hanc artem lædas? Cur artifices huius extollis, qui passim Antimonium, Laudanum opiatum, oleum vitrioli corrosiuum, aurum potabile, vel potius putabile, aliaque id genus medicamenta Metallica & perniciosissima cum Paracelsi Mago usurpare non reformidant? Sed hoc plaustro conuictum non moueor, his vocibus haud percellor, sed ira patiens, quam ratio extorsit. Cur noua ars, nouis hominibus non placet? Temporibus maiorum nostrorum non viximus, nunc spiritum trahimus: nos tam firmas lacertas non habemus in senescentia

scente mundo, quam qui nati sunt in adolescen-
 te: caremus Archo tam potente stomachos istos
 Struthionis optamus, sed non habemus ut Helle-
 borum cum maioribus aliq, medicamenta im-
 puriora, concoquere possemus. Hinc delicatio-
 ribus molliora & suaviora remedia necessitas, &
 ars excogitavit. Si nulla nova tibi placeant
 Misochymice, (quamvis hac ars nova non sit)
 facile poteris animo tuo obsequi & novas domos,
 si quas habes, cum ruinam minantibus, novas ve-
 stes cum laceris, novam supellectilem cum detri-
 ta Tuiy permutare. Iam verò quod ad Anti-
 monium attinet, cuius audito nomine, quidam
 mortales toto animo & corpore solent perhorre-
 scere, fateor medicamentum periculosum esse,
 si veneno non spoliatur, si ab imperito perperam
 exhibeatur, imò gladius erit manibus furiosi
 contreditus. Mactabit huiusmodi homo, non
 defendet: occidet, non proteget: ladet, non sana-
 bit. At artifex Vulcani beneficio novit hunc
 hostem domare, & lupum crudelem in placidam
 ovem convertere. Multa enim ignis com-
 mercio (ut peritissimi Galeni verbis utar)
 meliora redduntur: multa in arte medi-
 camenta quam diu veterem ipsorum na-
 turam retinent, acerrima sunt, & corpo-
 ribus inimica: domita verò ignis necessi-
 tate, curationi fiunt congrua. Si Theriacana
 non damnemus propter viperas quas continet:
 Si Helleborum, Mezereum, Scammonium pro-

Libr. de
 Theriaca
 ad Pison:
 cap. 32.

pter rudū Minervae correctionem non formide-
 mus, si à fungū, ranūq, venenatis pro alimento
 non abhorreamus, quo iure? qua lege? Sacrum
 Stibium artificum manu præparatum, à veneno li-
 beratum, potentissimum aduersus morbos reme-
 dium vobis Medici interdicens? Ego omis-
 sū Mathioli de hoc medicamento laudibus cum cele-
 berrime Doctore Galenico Alexandro de Massa-
 ria ita iudicandum esse existimo: Si Antimo-
 nium probè fuerit præparatum, si à perito
 Medico opportunè & cum ratione admi-
 nistretur non temnendum, sed veneran-
 dum ac salutare remedium esse, & pluri-
 morum hominum admiratione grauissi-
 mos morbos propulsare: si verò ab im-
 perito Medico, & temerè offeratur, tan-
 quam venenum pericula, & quandoque
 mortem inferre. Certè nimis rusticum est si
 quis vulneretur, gladium velle accusare, non vul-
 nerantem: nimis caninum est os ad mordere velle,
 quo quis imperitur, & non projicientem: Nimis
 Cyclopicum est, totum cælum euertere velle, si
 qua Duorum gentilitium labe deprehenditur.
 Vbriam es, Anisochymice, num tibi verum an fal-
 sum videri dicere? forsitan vrgebis quod Galeni-
 ca remedia sine periculo usurpari possint, ac
 Chymicis præferri debere. Vestram fidem his
 appello, Galenici, dicite sodes num periculo ca-
 reant vestra veratrum, peplia, Cantharides, Elate-
 rium, Scammonium, Ranunculus, Thapsia, Ca-
 locyn-

Alex. de
 Mass. de
 purgantib.
 vrad. c. 30.

locynthii, granum Cnidium, Euphorbium? an nemo his abuti posset? O inertem artem! O Medicinam facilem quam quilibet dextrè, peritè, & sine periculo, vir ac mulier, senex ac iuuenis, doctus atq; indodus tractare atq; exercere posset! Hac dum audio, videor mihi intelligere, aduersarios nostros velle dicere: omnia medicamenta vulgaria, benigna: Chymica verò acerrima & humano corpori hostilia esse, quod quàm absurdum sit, iam neminem vestrum ignorare existimo. Comparate sodes pharmaca ista valentiora, quæ modo nominant Galenicorum, cum Chymicis Antimonialibus, Mercurialibus, Saturninis, cæterisq; & benigniora cum benignis conferte, non dubito, quin omnes mecum puriorem Mannam impura, defecatam Aloen sordida, Scammonium pellucidum, Diagridio feculento sitis praposituri. Culpatur Laudanum, Laudatur Philonium: in eo puritas est Opij, in hoc Euphorbium causticum & Opium venenatum coeunt: in illo Narcotica facultas & acrimonia Opij lenitur: in hoc virus opiatum acerrimi Euphorbij consortio exasperatur. Vbi hæc argumenta proferuntur, mutata animi voluntate, aduersarij Laudanum laudatum remedium esse confitentur, sed requirunt peritum artificem, quasi verò Galenica ars ab imperito exerceri, quasi verò imperitia vcentis medicamento imputari debeat. Valeant ergò narrationes de Pseudochymicis instituta, vt artem labefacilemus: mancant in ho-

Hipp. lib. 1.
Aph. 6.

nore medicamenta, quæ æ veris Medicis exhibita,
multis fuere praesidio. Si nemo vinum pro-
pter ebrios fastidiat, cur Chymicum propter
Pseudochymicos contemnitur? Eadem sunt re-
media, quæ uterq; Medicus Galenicus & Chy-
micus usurpat: non semper ille Cassiam, sed
sape Colocynthidem acerrimam exhibet, neque
hic semper Antimonium vel Mercurium artifi-
ciosè præparatum agrotantibus deuorandum
præbet, neque ipse ignorat, Extremis ma-
lis extrema tantum esse exhibenda reme-
dia, at frequenter Extractum Castæ, Mannæ,
Tamarindorum, Rhabarbari, similiaque
prescribit, quibus tertia parte drachmæ tan-
tum efficit, quantum integra alij, qui Me-
dicamenta sine separatione sordium deglutiri
precipiunt. Vnde Pharmacopæus (cui suus
mos est Medicamenta corrigendi) similis mi-
hi videtur esse insulsis mulierculis, quæ sœtorem
cubiculi thure, myrrha, Syrace, tadiq; odorif-
feris, relicto animalis excremento, student
tollere: At Chymicus prudentior soribus eycis
quisquilias, odore nihil, sed nitore vnumquod-
que castigat. Similibus planè arietibus Oleum
vitrioli impugnatur: vsus propter abusum
damnatur. Rodit vitriolum, hinc certum
ei exilium: Non rodit, hinc certa libertas.
Ut tinctores pannilanei & serici nigri immo-
derato vitrioli vsu pannum non tingunt, sed
adurunt, sic medicus vitrioli præpostero vsu non
proficiet, sed officiet. Quod si vitriolum nunquam

in vsum duci debeat, quare Andromachi Theriaca id crudum recipit? Non omne quod corrodit protinus ex officina medica relegandum est: sic vino vtendum non esset, propter tartarum, quod as & argentum corrodat: Sic sale communi abstinendum foret, quo corpus humanum conseruatur, quia ferrum, as, stannum, & plumbum corrodit, atq; adeo argentum viuum precipitat: relinquendum esset mel, quod Galenus dicit esse acerrimum, succus limonum, & acetum, quibus homo carere non posset. Nunc vero bone Deus! quas techinas? quos dolor Pseudochymicorum in medium non proferimus, vt hominum nequitia potentiam & maiestatem Auri potabilem enervemus? saepe repetitum est, quod culpa artificis in artem iuste deriuari nequeat. Quod si temperatissimus hic Salamandra Metallicus, Chymicorum Sol, Leo ruber, & Mineralium pater ob infinitas ipsius vires in Latificante Galeni, Aurea Alexandrina Nicolai, Diathamaron, confectionibus Alkermes, Hyacynthi, Cordialis Alexandri Benedicti, Elect. de gemmis calidis & frigidis, ceterisq; pluribus Antidotis integer recipiatur, quare nobis non licet certo artificio eundem potabilem reddere, vt igne humani corporis interno vinci ac superari possit? Tale fuit aurum illud Arnoldi de Villa noua, quo Regis Neapolitani filium leprosum sanitati restituit: tale fuit AZoth Paracelsi

Lib. 1. de
Antid. c. 7.

celsi quo lepram, Hydropem, & Podagram sustu-
lit: tale est hodie aurum Francisci Antonij Lon-
dinenfis in Medicina Doctoris excellentissimi,
qui sacra hac medicina desperata salutis & mo-
ribundos ad vitam renouat. Postremum celebra-
rimus D. Hartmannus testatur: Clarissimus D.
Mosanus Archiater expertus est: Doctissimus
Henricus Petrus Maipurgensis Medicinae Pro-
fessor, cum fructu admirabili probauit. Non cre-
ditis forsitan Misochymici, eo quod existimetis
cuncta metalla nobis esse inimica, & naturae no-
strae haud congrua sed videte sedes in qua schola,
& apud quos ita disputatum? An non apud Co-
lonienses, qui probe inter alimenta, & medica-
menta nouerunt discernere? Fatemur quod me-
talla in optimum naturae succum, aut sangui-
nem purissimum, ex quo robur est, minime mu-
tentur, quod alimentorum est proprium, an idcirco
medicamentum esse desinunt? si Medicamenta sint
quibus, auctore Galeno, ingenuum est, ut sub-
stantiam nostram alterent, quid mirum, si natu-
rae nostrae et alia, inimica habentur, quanquam
in genere Medicamentorum nobis familiaria esse
possint. Sufficerit vnicuique plumbum ante oculos
posuisse, quod licet nostram substantiam non au-
geat, tamen aliquot annos in corpore humano
innoxie haeret, locumque, sine ulli partium offen-
sione commutat. Nuper in Silesiaco puera den-
tem aureum natura produxit: olim Albertus
Magnus, Philosophia datus, aurum inter suturas
cranij humani reperit: hodie in Monumetapa re-
gione

Li. i. simp.
Med. c. i.

gione ipsi arborum trunci auri feraces conspi-
ciuntur. Quod si locus rerum quasi alter parens
sit, quis tam cœcus est, ut non solum inter hominē
& metalla familiaritatem & artem cognatio-
nem videat, sed inter triplicia corpora vegetabi-
lia, animalia & Mineralia admirandam natu-
rarum societatem non contempletur? De Para-
celso multa dicere quid opus est? Paracelsi ne-
gotium hic non agitur, sed Chymia: Paracelsi
causam non defendimus, sed Chymicorum patro-
cinium suscepimus. Paracelsus esto Magus: esto
impius: esto impostor, nihilominus suis Magicis
inuentis superstitiosa doctrina, monstrosis opinio-
nibus artem non contaminavit. Si quid hic, aut
ille deliravit, quid hoc ad puritatem veritatemq;
artis integerrimam facit? Multa licet in eo sint
absurda, ridicula, somnii simillima, imò Magica
& quæ SS. Ecclesia damnat, qualia sunt de viri-
bus imaginati- nis, de Magnetismo, de Genera-
tione hominuli ex pane & vino aut semine in
furnulo arcanorum, similiq; farina pluribus, ni-
hilominus tamen fuit malleus medicorum, Phar-
macia restaurator, & Hippocratica doctrina
fautor & amator. Quantum verò in re medica
extiterit artifex λόγῳ & ἐργῳ demonstravit.
An non eximia sunt, quæ in Chirurgia scripsit?
nonne pulchra quæ in Archidoxis tradidit? non-
ne utilia quæ de Helleboro, Persicaria, Hyperico-
ne, Sulphure, Tartaro, peste, Carduo Angelico, a-
lysq; posteritati consecrauit? Propter errores non
reijcimus Aristotelem: propter impietatem non
dam-

Fol. 43.

damnamus Porphyrium, cur Germanum nostrum propter verumq; reſcere & odiſſe cupimus? Parum fuiſſet eximia, pulchra, vtiliaq; ſcripſiſſe niſi curatione ſalici hanc gloriam Epitaphij ſui Saluburgici conſecutus fuiſſet. Conditur hic Philippus Theophraſtus inſignis medicinæ Doctor, qui dira illa vulnera, leprâ, Podagram & Hydropyſim, aliaq; inſanabilia corporis contagia mirifica arte ſuſtulit. Ex his ſatis cognoscere poteſtis, Auditores, innocentiam artiſ Chymicæ, vtilitatem & neceſſitatem: ſatis intelligere quod Chymicus non ſit medicus ſed miniſter, quod Hippocratica doctrina non repugnet, ſed obediat, deniq; quod artem medicorum ſuo cultu & nitore exornet & nobilitet. Sed ne putetis me novum Profeſſorem, novam doctrinam in hac veteri ſchola docere vellet, audite præceptũ, quod Clariſſ. & Expertiſſ. D. Holſtemius Med. Profeſſor veteranus, & Collega meus honorandus in Eſſentia Hellebori extracta his verbis mea opinioni conſentaneis propoſuit: Spagyricis Rationalium medicorum inuentis, quia iucundè curant, cum ratione utatur. Videtis quod uſum ſuadeat propter iucundam curationem: diſſuadeat abuſum, quem paſſim deſtillatores, Agyræ, aliq; rerum medicarum coqui committunt, qui ſine ratione, id eſt, doctrina Hippocratica hæc ſacra medicamenta in uſum ducunt. Hic quoq; Chymicorum Laudanum inculpatum remedium eſſe confitetur: Hic Chymicorum ſtudium & operã prædicat, quod pharmaceuticam medici-

122

Fol. 3.

nã partem eleganti medicamentorum in-
 uentione & præparatione auxerint & di-
 tauerint: Si quid igitur meæ preces (ut incipiam
 concludere) apud vos Studiosi medicinæ Orna-
 tissimi valeant, consilium vtriusq; Professoris se-
 quamini, & Hippocraticam medicinam cum stu-
 dio Chymico coniungite. Audistis enim doctrinam
 sapientiss. nostri Præceptoris non anilibus expe-
 rimentis, sed firmis demonstrationibus inniti: non
 coniecturis dubijs, sed certis rationibus fulciri:
 non lubricis opinionibus sed solidis axiomatibus
 stabiliri. Audistis quantam nominis sui gloriam
 venerandus senex sibi comparauerit: quanta cum
 laude successerit filius, quantos honores & diui-
 tias à Regibus & Principibus Hippocratica poste-
 ritas consecuta sit. Cauete vobis à bullatis Do-
 ctoribus, à Thraconicis medicis, à Circulatoribus
 nequissimis, qui mellita oratione plebem inescant
 & facto dilantant. Cauete ab insidijs, quas Cli-
 nica mulieres, à technis quas indoctæ Moniales, à
 doli quos agrotantium ministri artificibus stru-
 unt. Utinam artis honestas nō conspurcetur ab
 ipsis Magistris, quam sanctam, inuiolatamq; ser-
 uare debebant. Sed proh Deum immortalem ve-
 re cum Poëta licet dicere
 Mistaq; cum veris passim commenta vagatur, Quidius,
 Millia.

Nunc Medici honorati in sordidos Vroscopos,
 qui vulgi supercilio & opinione tanto peritiores
 sunt, quanto fortunatiores in diuinando ex in-
 specto lorio, artifices in supersticiosos homines,
 Magistri in execrabiles Magos sunt conuersi.

Mini-


Ministri suis Dominis meliores esse noluerunt:
hinc Pharmacopaeus incepit artis nostrae imperi-
tus medicinā exercere: succedanea medicamenta
porrigere, et medullata vendere, cōposita non mu-
tare; hinc Pseudochymicus aurum putabile, pro
potabili, Antimonium crudum pro vera medici-
na, Mercurium pro salutari remedio plebi obtru-
dere non reformidauit. His malis ē viri consula-
res tempestiuē occurrere, pestem hanc Reip. ē me-
dio tollite, miseros ciues à tyrannide occultā li-
berate. Non de diuitijs hic agitur sed de virā qua
nihil carius homini esse potest. non de furibus ne-
gorium est, qui bona ciuium deripiunt. sed de la-
tronibus qui clandestino scelere homines occi-
dunt. Conseruate splendorem artū Chymicæ:
Cultores eius vestra auctoritate protegite, nec
patiamini cæleste illud donum passim contemni,
illud, despici. Sequamur omnes Rationem &
Experientiam dicamusq,


Matthias
Vaserus.

Dogmata non iuro in Paracelsi, aut Scita Ga-
leni
Vera vtriusq; placent, falsa vtriusq; iacēt.

D I X I

Laus sit Deo & B. Mariæ sem-
per Virgini.





Ed. George 12.
3.